



ADDENDA Nº2 AO CONVENIO DE COLABORACIÓN ENTRE A DEPUTACIÓN DE PONTEVEDRA E O CONCELLO DE VIGO PARA A EXECUCIÓN DAS OBRAS DE SUBSTITUCIÓN DE FIRMES EN VIAIS MUNICIPAIS NAS DIFERENTES PARROQUIAS DO CONCELLO DE VIGO.

Vigo, 20 de decembro de 2019

REUNIDOS

Dunha parte, D^a María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como Presidenta deste organismo e en función das atribucións que lle confiren o artigo 34 da Lei 7/1985, de 2 de abril, reguladora das bases do réxime local, e o artigo 105 da Lei 5/1997, de 22 de xullo, de administración local de Galicia.

Doutra, D. Abel Caballero Álvarez, quen actúa no nome e representación do Concello de Vigo, en virtude da súa condición de Alcalde-Presidente da citada Corporación, segundo o disposto no artigo 124 da Lei 7/1985, do 2 de abril, reguladora das bases de réxime local, no artigo 61.1 da Lei 5/1997, de administración local de Galicia e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

Actúan D. Carlos Cuadrado Romay, en calidade de secretario xeral da Deputación de Pontevedra, e D^a María Concepción Campos Acuña, en calidade de secretaria do Goberno Local do Concello de Vigo, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estos efectos, de común acordo,

EXPOÑEN

I.- Que con data 11 de agosto de 2016, o Concello de Vigo e a Deputación Provincial de Pontevedra asinaron o "Convenio de colaboración para a execución de firmes en viais municipais nas diferentes parroquias do Concello de Vigo".



O obxecto do citado convenio consistía en establecer e concretar o réxime de colaboración entre ambas administracións para o financiamento da execución dos proxectos de obras de substitución de firmes nos viarios que se relacionaban na parte expositiva do citado convenio.

Para a execución do citado convenio, a Deputación Provincial obrigouse a achegar o importe máximo de novecentos dous mil cento cuarenta e catro euros con noventa e seis céntimos (902.144,96 €)

II.- Con data 15 de maio de 2018, foi asinada unha "ADDENDA", ao citado convenio, coa finalidade de aproveitar as economías derivadas das baixas producidas nas licitacións realizadas para a execución dos proxectos obxecto do convenio inicial, que ascenderon á cantidade de 382.896,08 €, e aplicalas, xunto con novas achegas do Concello de Vigo, por importe de 157.426,68 €, ao financiamento doutros proxectos de substitución de firmes en vias doutras parroquias do termo municipal, non previstos no convenio inicial, necesitados tamén de mellora; vias que se especifican no texto da addenda.

III.- O Concello de Vigo, continuando as amplas intervencións realizadas nos últimos anos nas vías públicas, tanto na zona rural como no casco urbano, pretende dar continuidade ao "plan municipal de substitución do firme nas vias das parroquias do Concello de Vigo", para o cal cóntase cunha memoria técnica valorada realizada polo Enxeñeiro de camiños, canais e portos do Concello de Vigo, na cal estímase co carácter prioritario de actuacións en distintos vias das parroquias de Vigo cunha estimación orzamentaria de 1.000.000,00 €. As actuacións vinculadas a este plan contemplan de forma xeral; renovación dos firmes dos vias co obxectivo de mellorar a seguridade vial e peonil, así como mellorar os enlaces cos viarios adxacentes, a adaptación dos rexistros existentes á cota final do pavimento e reposición da sinalización horizontal.

IV.- As partes de mutuo acordo recoñecen a necesidade de colaborar para posibilitar unha extensión da actuación inicial do convenio inicial para asegurar o funcionamiento doutros viarios que entrarían a formar parte do obxecto do citado convenio; con isto, dentro da vixencia do actual convenio, permitiríase cubrir unha serie de obxectivos estratéxicos, tales como: a consolidación dunha rede de infraestruturas viarias, así como a mellora das súas condicións e da súa capacidade funcional.

V.- Que, de acordo coas precedentes consideracións, dada a coincidencia de obxectivos e o interese común de ambas administracións de propiciar estas novas actuacións de mellora de firmes en outros viarios das parroquias de Vigo, acordaron aprobar unha addenda nº 2 ao convenio de colaboración, con arranxo ós seguintes:

PACTOS



PRIMEIRO.- Obxecto da Addenda.

O obxecto da presente addenda é o de dar continuidade ó convenio asinado para a execución de obras de substitución de firmes en viarios municipais das diferentes parroquias do Concello de Vigo, incluíndo novas actuacións e o seu réxime de financiamento.

As actuacións obxecto desta addenda enmárcanse na memoria técnica valorada realizada polo Enxeñeiro de camiños, canais e portos do Concello de Vigo, na cal estímase co carácter prioritario de actuacións en distintas vias das parroquias de Vigo cunha estimación orzamentaria de 1.000.000,00 €. As actuacións vinculadas a este plan contemplan de forma xeral; renovación dos firmes dos viais co obxectivo de mellorar a seguridade vial e peonil, así como mellorar os enlaces cos viarios adxacentes, a adaptación dos rexistros existentes á cota final do pavimento e reposición da sinalización horizontal.

SEGUNDO.- Financiamento.

As obras ás que se refire o presente convenio serán financiadas pola Deputación Provincial.

A Deputación provincial obrígase a achegar ó Concello de Vigo o importe correspondente o custe da contratación da execución das obras ata a cantidade máxima de UN MILLÓN DE EUROS (1.000.000,00 €).

O financiamento comprometido en relación as obras licitadas, atenderá ao importe definitivo derivado da certificación final das obras executadas, o cal terá como límite máximo o importe acordado, e o seu pagamento realizarase contra a aplicación 2019/942.9420.762.14 do vixente orzamento provincial.

No caso de que os investimentos realizados teñan un custo inferior ó inicialmente previsto e sempre que isto non supoña unha execución deficiente da totalidade dos proxectos, a contía da achega reducirase proporcionalmente.

TERCEIRO.- Vixencia.

As partes, co obxecto dar continuidade ás actuacións iniciadas, acordan estender a vixencia do "Convenio de Colaboración entre a Excma. Deputación de Pontevedra e o Excmo. Concello de Vigo para a execución das obras de substitución de firmes en viarios municipais en diferentes parroquias do Concello" ata o remate das actuacións que se recollen nos proxectos técnicos sen exceder, en todo caso, a data de 11 de agosto de 2021. A presente addenda entrará en vigor na data da súa sinatura.

As partes comprométense a realizar os axustes orzamentarios necesarios para manter os compromisos económicos establecidos no convenio, en relación ó novo período de vixencia.

Non obstante, a vixencia do convenio poderá prorrogarse coa conformidade expresa das partes asinantes, no caso de que non rematasen as obras obxecto do mesmo.



CUARTO.- Incidencias na execución das obras.

O Concello de Vigo na súa responsabilidade de redacción de proxectos, así como da contratación e execución, dará conta a Deputación de Pontevedra da aprobación dos mesmos e demais obrigas recollidas no marco do convenio inicial, tendo en conta que o importe previsto nesta addenda para a financiación da actuación ten a consideración de máximo, polo cal, calquera incidencia que poida xurdir no desenvolvemento das mesmas, por causas imprevistas, e que obrigen a unha modificación dos proxectos con incremento da obra ou de producirse unha liquidación por excesos de medición que derive nun gasto superior ao importe a financiar pola Deputación de Pontevedra, será asumida polo Concello de Vigo.

QUINTO.- Información ao Consello de contas.

En consonancia co recollido no artigo 53 da Lei 40/2015 de 1 de outubro, de Réxime Xurídico do Sector Público, e da súa normativa de desenvolvemento (instrucción do Tribunal de Contas-Resolución de 2 de decembro de 2016), as partes deberán informar ao Consello de contas da subscrición da presente addenda, debendo realizarse esta obriga no prazo de tres meses dende a sinatura.

E, como proba de conformidade, asinan o presente Convenio, por duplicado exemplar e a un só efecto, na data e lugar sinalados na cabeceira.

A Presidenta da Deputación de Pontevedra .

Asdo.: M^a Carmen Silva Rego

O Secretario da Deputación de Pontevedra,

Asdo.: Carlos Cuadrado Romay

O Alcalde de Vigo

Asdo: Abel Caballero Álvarez

A secretaria do Goberno Local do Concello de Vigo

Asdo: M.^a Concepción Campos Acuña